



ҚАЗАҚСТАН ҮЛТТЫҚ БАНКІ

№18 БАСПАСӨЗ РЕЛИЗІ

Қаржы нарығындағы ахуал туралы

2016 жылғы 27 шілде

Алматы қ.

1. 2016 жылғы маусымдағы инфляция

Қазақстан Республикасының Үлттық экономика министрлігі Статистика комитетінің ресми деректері бойынша 2016 жылғы маусымда инфляция 0,4% (2015 жылғы маусымда – 0,1%-ға төмендеу) болды. Азық-түлік тауарлары 0,7%-ға (0,5%-ға төмендеу), азық-түлікке жатпайтын тауарлар 0,5%-ға (0,3%-ға өсу) қымбаттады. Ақылы қызмет көрсете тарифтері 0,1%-ға өсті (0,1%-ға өсу).

Азық-түлік тауарлары нарығында 2016 жылғы маусымда көбіне картоптың бағасы – 33,5%-ға, сәбіз – 8,8%, пияз – 5,5%-ға, жарма – 3,1%-ға, қант – 2,3%-ға өсті. Орамжапырақтың бағасы 19,1%-ға, жұмыртқа 9,2%-ға төмендеді.


Азық-түлікке жатпайтын тауарлардың ішінде киім мен аяқ киім 0,8%-ға, оның ішінде аяқ киім – 1,6%-ға, тұрмыстық үй заттарының бағасы – 0,4%-ға өсті.

Ақылы қызметтер тобында қоғамдық тамақтану қызметтерінің бағасы 1,3%-ға, темір жол көлігі 1,2%-ға көтерілді. Ауруханалар қызметі 1,8%-ға, амбулаторлық қызметтер 0,8%-ға қымбаттады.

2016 жылғы қаңтар-маусымда инфляция 4,6% (2015 жылғы қаңтар-маусымда – 1,4%) болды. Жылдың басынан бастап азық-түлік тауарларының бағасы 5,0%-ға (1,4%-ға өсу), азық-түлікке жатпайтын тауарлар – 4,7%-ға (0,7%-ға өсу), ақылы қызмет көрсете – 4,1%-ға (2,1%-ға өсу) өсті (1-график).

1-график

2015 және 2016 жылғы қаңтар-маусымдағы инфляция және оның негізгі топтары



Инфляция жылдық көрсеткіш бойынша 2016 жылғы маусымда 17,3% (2015 жылғы желтоқсанда – 13,6%) деңгейінде қалыптасты. Бұл ретте азық-түлік тауарларының бағасы 14,9%-ға (10,9%), азық-түлікке жатпайтын тауарлар – 27,5%-ға (22,6%), ақылы қызмет көрсете – 10,3%-ға (8,1%) өсті.

2. 2016 жылғы маусымдағы халықаралық резервтер (жедел деректер), ақша базасы және ақша агрегаттары

2016 жылғы 1 шілдедегі жағдай бойынша халықаралық резервтер (Ұлттық қордың шетел валютасындағы активтерін қоспағанда) алдын ала бағалау¹ бойынша және Қазақстан Республикасы Ұлттық Банкінің ақша базасы мынадай болды:

	Ағымдағы бағалармен
Жалпы халықаралық резервтер, млн. долл.	30 494,3
Таза халықаралық резервтер, млн. долл.	29 663,3
оның ішінде:	
ЕАВ-дағы таза активтер	19 578,5
Алтын	10 084,8
Ақша базасы, млрд. теңге	4 894,1
Тар ақша базасы, млрд. теңге	4 285,9
ЕДБ-дің ҚРҰБ-дағы мерзімді депозиттері, млрд.	570,3
теңге	
KZT/USD (кезең соңында)	338,66
Алтынның бағасы (1 трой үнциясы үшін USD-мен)	1 317,0

ЕАВ-мен таза активтер – бұл ЕАВ-дағы жалпы активтер мен міндеттемелер арасындағы айырма

Тар ақша базасы – бұл ЕДБ-дің ҚРҰБ-дағы мерзімді депозиттерін, депозиттер және арнағы мақсаттағы шоттар бойынша %-ды қоспағандағы ақша базасы

2016 жылғы маусымда Ұлттық Банктің халықаралық резервтері ұлғайды. Ұлттық Банктің жалпы халықаралық резервтері 1 891,0 млн. АҚШ долларына немесе 6,6%-ға өсті. Бұл ретте шетел валютасындағы активтер 937,2 млн. АҚШ долларына, бағасының 8,8%-ға өсуі кезінде жүргізілген операциялар нәтижесінде алтындағы активтер 953,8 млн. АҚШ долларына ұлғайды.

Халықаралық резервтердің негізгі өсімі Үкіметтің Ұлттық Банктегі шоттарына валюталардың түсі, алтындағы активтердің қайта бағалау, сондай-ақ банктердің шетел валютасындағы корреспонденттік шоттарындағы қалдықтардың ұлғаюы есебінен болды. Сонымен қатар бекітілген графикке сәйкес банктермен валюталық-пайыздық своп операциялары өтелді, Ұлттық қордың активтерін толықтыру және Үкіметтің сыртқы борышына қызмет көрсету операциялары жүргізілді.

Ұлттық қордың шетел валютасындағы активтерін (жедел деректер бойынша 65 748,5 млн. АҚШ доллары) қоса алғанда, тұтастай алғанда елдің халықаралық резервтері бір айда 2,3%-ға өсіп, 96 242,8 млн. АҚШ долларын құрады.

Ақша базасы 2016 жылғы маусымда 8,9%-ға немесе 399,0 млрд. теңгеге кеңейді. Тар ақша базасы, яғни екінші деңгейдегі банктердің Ұлттық Банктегі мерзімді депозиттерін есептемегендегі ақша базасы 4,3%-ға кеңейді (жыл басынан бері 8,2%-ға тарылу).

2016 жылғы маусымда ақша массасы 18 398,9 млрд. теңгеге дейін 2,3%-ға (жыл басынан бері 6,9%-ға өсті), айналыстағы қолма-қол ақша 1 582,3 млрд. теңгеге дейін 6,5%-ға (жыл басынан бері 27,9%-ға), банк жүйесіндегі депозиттер көлемі 16 816,6 млрд. теңгеге дейін 1,9%-ға (жыл басынан бері 5,3%-ға өсті) ұлғайды. Ақша массасының құрылымында депозиттердің үлесі 2016 жылғы мамырдағы 91,7%-дан 2016 жылғы маусымда 91,4%-ға дейін аздал қысқарды (2015 жылғы желтоқсанда – 92,8%).

3. 2016 жылғы маусымдағы ақша нарығы

2016 жылғы маусымда ақша нарығындағы сауда-саттықтың негізгі көлемі автоматты РЕПО нарығында өткізілді. Бұл ретте ақша нарығындағы мөлшерлеме 2016 жылғы 6

¹ Бағалауға сыртқы басқарудағы активтер бойынша аудитtelмеген деректер кіреді

мамырдан бастап 15%-дық деңгейде сақталған базалық мөлшерлемені ескере отырып қалыптасты.

	2016 мамыр	2016 маусым	Өзгерүі, %-бен
Автоматты РЕПО нарығындағы сауда-саттық көлемі, млрд. теңге	5 752,0	5 275,9	-8,3
Своп нарығындағы сауда-саттық көлемі, млрд. теңге	1 104,9	1 915,4	73,4
ҚҚБ-ғы KZT/USD валюталық жұбы бойынша операциялар көлемі, млн. АҚШ доллары	2 503,2	2 662,6	6,4
Банкаралық нарықтағы KZT/USD валюталық жұбы бойынша операциялар көлемі, млн. АҚШ доллары	6 447,6	7 748,5	20,2

2016 жылғы маусымда 1 күндік РЕПО операциялары бойынша орташа алынған мөлшерлеме (TONIA² индикаторы) жылдық 14,0% деңгейінде, 1 күндік своп операциялары бойынша орташа алынған мөлшерлеме 12,7% деңгейінде қалыптасты. Ақша-кредит саясатының операцияларын ақша нарығында жүргізу кезінде таргеттелетін (нысаналы) мөлшерлеме болып табылатын TONIA индикаторыны базалық мөлшерлеменің пайыздық дәлізінің төменгі шекарасы айналасында қалыптасты.

Ұлттық Банк 2016 жылғы 11 шілдеде базалық мөлшерлеменің деңгейін +/-1% дәлізбен

13%-ға дейін төмендетті, ол инфляциялық процестердің жылдамдау тәуекелдерінің азауына байланысты болды. Базалық мөлшерлеме бойынша одан әрі жүргізілетін іс-әрекет инфляция бойынша нақты және болжамды деректерге, инфляциялық құтулерге, сондай-ақ экономика субъектілерінің валюталық басымдығына байланысты болады.

4. 2016 жылғы маусымдағы валюта нарығы

2016 жылғы маусымда теңгенің айырбастау бағамы бір АҚШ доллары үшін 330,16-339,69 теңге аралығында өзгерді. 2016 жылғы маусымның соңында теңгенің АҚШ долларына қатысты биржалық бағамы бір ай ішінде 0,8%-ға төмендейп (жыл басынан бастап нығаю – 0,4%), бір АҚШ доллары үшін 338,66 теңге болды.

Қазақстан қор биржасында KZT/USD валюталық жұбы бойынша биржалық операциялар көлемі 2016 жылғы мамырмен салыстырғанда 2016 жылғы маусымда 6,4%-ға өсіп, 2,7 млрд. АҚШ долларын құрады. Биржадан тыс валюта нарығында KZT/USD валюталық жұбы бойынша операциялар көлемі 2016 жылғы мамырмен салыстырғанда 20,2%-ға ұлғайып, 7,7 млрд. АҚШ доллары болды. Сауда-саттықтың жалпы көлемі 16,3%-ға өсіп, 10,4 млрд. АҚШ доллары болды.

2016 жылғы маусымда Ұлттық Банк ішкі валюта нарығында өктемдік жүргізді, нетто-сатып алу көлемі 2,5 млн. АҚШ долларын құрады. Ұлттық Банктің валюта нарығына қатысуы барынша төмен болып, 0,1%-ды құрады.

Қолма-қол шетел валютасы нарығында айырбастау пункттері арқылы халық тарапынан қолма-қол АҚШ долларын сату үрдісі жалғасуда. 2016 жылғы маусымда халық 25,7 млн. АҚШ долларын сатты (2016 жылғы ақпан-маусымда 972,9 млн. АҚШ доллары сатылды).

² Биржада автоматты РЕПО секторында МБҚ-мен жасалған бір жұмыс күндік мерзімі бар РЕПО-ны ашу мәмілелері бойынша орташа алынған пайыздық мөлшерлеме

5. 2016 жылғы маусымдағы мемлекеттік бағалы қағаздар нарығы

2016 жылғы маусымда Қаржы министрлігінің мемлекеттік бағалы қағаздарын орналастыру бойынша аукцион өткізілмеді. Қаржы министрлігінің айналыстағы мемлекеттік бағалы қағаздарының көлемі маусымның соңында 5 585,7 млрд. теңгені құрады.

Қазақстан Ұлттық Банкінің қысқамерзімді ноттары

Ұлттық Банктің ноттары эмиссиясының көлемі 2016 жылғы маусымда 4 119,0 млрд. теңгені құрады. Бұл ретте 7 күндік ноттарды орналастыру бойынша 22 аукцион, 1 айлық ноттарды орналастыру бойынша 5 аукцион, 3 айлық ноттарды орналастыру бойынша 1 аукцион және 6 айлық ноттарды орналастыру 1 аукцион бойынша өткізілді. Орналастырылған 7 күндік ноттар бойынша тиімді кірістілік 15,72%, 1 айлық ноттар бойынша – 15,51%, 3 айлық ноттар бойынша – 14,79%, 6 айлық ноттар бойынша – 14,32% болды. 2016 жылғы маусымның соңында айналыстағы ноттар көлемі 1 552,4 млрд. теңгені (бір ай ішіндегі өсім – 12,6%) құрады.

6. Төлем балансы және сыртқы борыш

2016 жылғы 1-тоқсаннаның нәтижесі бойынша **ағымдағы операциялар шоты** теріс сальдомен қалыптасып, 2015 жылғы 1-тоқсандағы 125,3 млрд. АҚШ доллары болатын аздаған тапшылықпен салыстырғанда 1,0 млрд. АҚШ долларын құрады.

Ағымдағы операциялар бойынша тапшылықтың ұлғаюына 2,7 млрд. АҚШ долларын құраған оң сауда балансының қысқаруы себепші болды, бұл 2015 жылғы 1-тоқсандағы көрсеткіштен (4,2 млрд. АҚШ доллары) 36,7%-ға төмен.

Тауарлар экспортты 30,5%-ға қысқарып, 8,4 млрд. АҚШ долларын құрады (2015 жылғы 1-тоқсанда 12,1 млрд. АҚШ доллары). Мұнай бағасының одан әрі құлдырауы тауарлар экспортты көлемінің қысқаруының негізгі факторы болып отыр. Brent сұрыпты мұнайдың әлемдік бағасы 2016 жылғы 1-тоқсанда орташа алғанда 2015 жылдың осындай кезеңімен (2015 жылғы 1-тоқсанда бір баррель үшін 53,9 АҚШ доллары) салыстырғанда 36,3%-ға төмендеп, бір баррель үшін 34,4 долларды құрады, бұл ретте қаңтардың үшінші онқұндігінде баға ең төменді деңгейге дейін бір баррель үшін 27,8 АҚШ долларына дейін тұсті. Мұнай және газ конденсаты экспорттың құны 4,5 млрд. АҚШ долларын құрай отырып, 41,1%-ға төмендеді. Қалған тауарлар бойынша экспорт 13,4%-ға қысқарды.

Тауарлар импортты 27,1%-ға қысқара отырып, 5,8 млрд. АҚШ долларын құрады (2015 жылғы 1-тоқсанда 7,9 млрд. АҚШ доллары). Импорттың жалпы көлемінде өнімнің барлық түрін әкелу қысқарды, бұл ретте, азық-түлікке жатпайтын тұтыну тауарлары айтарлықтай 36,5%-ға қысқарды.

Резиденттердің шикізат экспорттынан түсетін кірістерінің төмендеуі нәтижесінде шетелдік тікелей инвесторларға кірістер төлеу 2,1 млрд. АҚШ долларына дейін 12,9%-ға қысқарды. Сыртқы сауда операциялары және тұтынушылық қызмет көрсету импорты көлемінің төмендеуіне халықаралық қызмет көрсету тапшылығының 1,0 млрд. АҚШ долларына дейін 9,1%-ға қысқаруы себепші болды.

Қаржы шоты бойынша капиталдың таза әкелінуі (Қазақстан Республикасы Ұлттық Банкінің резервтік активтерімен операцияларды қоспағанда) 2016 жылғы 1-тоқсанда 1,5 млрд. АҚШ долларын құрады (2015 жылғы 1-тоқсанда 2,6 млрд. АҚШ доллары) және, негізінен, портфельдік инвестициялар бойынша әкетілумен ішінара өтелген тікелей инвестициялау операциялары бойынша әкелінумен қамтамасыз етілді.

Шетелдік тікелей инвестициялар бойынша капиталдың таза әкелінуі 2015 жылғы 1-тоқсандағы 1,4 млрд. АҚШ долларымен салыстырғанда 2,6 млрд. АҚШ долларын құрады. Шетелдік тікелей инвестициялардың (ШТИ) жалпы әкелінуі 4,3 млрд. АҚШ долларын құрады (2015 жылғы 1-тоқсанмен салыстырғанда 2,7%-ға төмен).

Қазақстан Республикасы Ұлттық қорының шетелдік активтерінің өсуі, резиденттердің қайталама нарықта Қазақстан Республикасы Үкіметінің және Қазақстан банктерінің еврооблигацияларын сатып алуы, бұрын шығарылған еврооблигацияларды банктік емес

ұйымдардың ішінәра өтеуі портфельдік инвестициялар бойынша 2,2 млрд. АҚШ доллары болып қалыптасқан таза әкетілуге себепші болды.

2016 жылғы 31 наурызда **Қазақстан Республикасының сыртқы борышы** жыл басынан бері 0,5 млрд. АҚШ долларына үлғая отырып, 154,0 млрд. АҚШ долларын құрады.

Сыртқы борыштың құрылымында 7,9% немесе 12,2 млрд. АҚШ доллары мемлекеттік сыртқы борышқа тиесілі болды, 5,0% немесе 7,7 млрд. АҚШ доллары – бұл Банк секторының сыртқы борышы, 33,3% немесе 51,2 млрд. АҚШ доллары – Басқа секторлардың тікелей инвестицияларға байланысты емес берешегі, ал қалған 53,8% немесе 82,8 млрд. АҚШ доллары – Басқа секторлардың фирмааралық берешегі.

Банктердің сыртқы борышы мен үлестес емес кредиторлар алдындағы Басқа секторлардың сыртқы міндеттемелері, негізінен, кредиттер мен қарыздар бойынша борыштың бағалы қағаздардың және ұзақмерзімді міндеттемелердің өтелуі есебінен әрбір сектор бойынша 0,2 млрд. АҚШ долларына қысқарғанына қарамастан, Қазақстан Республикасы Үкіметінің сыртқы борышы аздал (23,9 млн. АҚШ долларына) үлғайды. Бұл ретте, үлестес тұлғалар алдындағы, негізінен, тікелей инвесторлар алдындағы берешек 1,0 млрд. АҚШ долларына үлғайды.

Сыртқы борыштың ИЖО-ге қарым-қатынасының көрсеткіші 2015 жылғы 31 желтоқсандағы 83,2%-бен салыстырғанда 92,3%-ды құрады. Сыртқы мемлекеттік борыш 2015 жылдың соңындағы 6,6%-бен салыстырғанда ИЖО-нің 7,3%-ын құрады. Сыртқы борыштың аздал өсіу кезінде сыртқы борыштың ИЖО-ге қарым-қатынасы көрсеткішінің нашарлауы ИЖО-нің доллармен есептегендегі көрсеткішінің төмендеуі салдарынан орын алады.

Нақты айырбастау бағамы

2016 жылғы мамырда 2015 жылғы желтоқсанмен салыстырғанда 0,8%-ға нақты көрсетудегі теңгенің әлсіреуі (37 елдің валютасына қатысты нақты тиімді айырбастау бағамының индексі базасында), ал 2014 жылдың басынан бастап 2016 жылдың мамырына дейін 26,2%-ға әлсіреуі орын алды.

2016 жылғы бес ай ішінде теңгенің Ресей рубліне қатысты әлсіреуі нақты көрсетуде (нақты айырбастау бағамы) 4,8%-ды құраса, ал 2014 жылдың басынан бастап 2016 жылдың мамырына дейін 6,7%-ға әлсіреді.

Негізгі сауда әріптестерінің валюталарына қатысты нақты айырбастау бағамы кестеде берілген.

Кесте. Теңгенің нақты айырбастау бағамы индексінің өзгеруі

Валюта	2016 жылғы қаңтар – мамыр	2014 жылғы қаңтар – 2016 жылғы мамыр
Ресей рубліне қатысты	4,8%-ға әлсіреді	6,7%-ға әлсіреді
АҚШ долларына қатысты	0,6%-ға әлсіреді	42,9%-ға әлсіреді
Евроға қатысты	4,6%-ға әлсіреді	30,1%-ға әлсіреді
Қытай юаніне қатысты	1,8%-ға нығайды	39,0%-ға әлсіреді
Белорусь рубліне қатысты	0,4%-ға нығайды	13,0%-ға әлсіреді
Қырғыз сомына қатысты	1,0%-ға әлсіреді	27,3%-ға әлсіреді

7. 2016 жылғы маусымның соңындағы жағдай бойынша депозит нарығы

Депозит ұйымдарындағы резиденттер депозиттерінің көлемі бір айда 1,9%-ға үлғайып (жыл басынан бері өсім 5,3%), 2016 жылғы маусымның соңында 16 816,6 млрд. теңгені құрады. Зандау тұлғалардың депозиттері 9 781,7 млрд. теңгеге дейін 2,0%-ға көтерілді (жыл басынан бері өсім 6,6%), жеке тұлғалардың депозиттері 7 035,0 млрд. теңгеге дейін 1,8%-ға үлғайды (жыл басынан бері үлғаю 3,6%).

2016 жылғы маусымның соңындағы жағдай бойынша үлттық валютадағы депозиттердің көлемі 7 122,6 млрд. теңге (бір айда 6,6%-ға, жыл басынан бері – 43,8%-ға

өсті), шетел валютасындағы – 9 694,0 млрд. теңге болды (бір айда 1,3%-ға, жыл басынан бері – 12,0%-ға төмендеді). Тенгедегі депозиттердің үлес салмағы бір айда 40,5%-дан 42,4%-ға дейін ұлғайды (жыл басында – 31,0%).

Занды тұлғалардың ұлттық валютамен депозиттері 2016 жылғы маусымда 4,4%-ға ұлғайды (жыл басынан бері 37,4%-ға өсті) және 4 838,3 млрд. теңге болды (занды тұлғалар депозиттерінің 49,5%-ы), шетел валютасымен – 0,3%-ға төмендеді (жыл басынан бері 12,6%-ға төмендеді) және 4 943,4 млрд. теңге болды.

Жеке тұлғалардың тенгемен депозиттері 2016 жылғы маусымда 11,5%-ға өсті (жыл басынан бері 59,7%-ға өсті) және 2 284,3 млрд. теңге болды (жеке тұлғалар депозиттерінің 32,5%-ы), шетел валютасындағы депозиттер 2,3%-ға төмендеді (жыл басынан 11,4%-ға төмендеу) және 4 750,6 млрд. теңге болды.

Мерзімді депозиттер маусымда 12 213,8 млрд. теңгені құрап, 1,4%-ға өсті (жыл басынан бері 3,8%-ға өсті). Мерзімді депозиттер құрылымында ұлттық валютамен салымдар 4 484,5 млрд. теңге (бір айда 6,5%, жыл басынан бері – 42,1% өсті), шетел валютасымен – 7 729,4 млрд. теңге (бір айда 1,3%-ға, жыл басынан бері – 10,2%-ға төмендеді) болды.

2016 жылғы маусымда банктік емес занды тұлғалардың ұлттық валютамен мерзімді депозиттері бойынша орташа алынған сыйақы мөлшерлемесі 12,8% (2015 жылғы желтоқсанда – 20,1%) деңгейінде, жеке тұлғалардың депозиттері бойынша – 11,6% (8,5%) болып қалыптасты.

8. 2016 жылғы маусымның соңындағы жағдай бойынша кредит нарығы

Банктердің экономиканы кредиттеуінің көлемі 2016 жылғы маусымның соңында бір ай ішінде 0,2%-ға ұлғайды (жыл басынан бері 1,7%-ға төмендеу), 12 455,9 млрд. теңге болды.

Ұлттық валютамен кредиттер көлемі бір ай ішінде 8 156,4 млрд. теңгеге дейін 0,7%-ға ұлғайды (жыл басынан бастап 2,9%-ға төмендеу). Оның құрылымындағы занды тұлғаларды кредиттеу көлемі 0,7%-ға, жеке тұлғаларды кредиттеу – 0,6% өсті. Шетел валютасымен занды тұлғаларды кредиттеу көлемі де (0,4%-ға), жеке тұлғаларды кредиттеу көлемі де (1,7%-ға) 4 299,5 млрд. теңгеге дейін 0,6%-ға төмендеді (жыл басынан бастап 0,6%-ға өсу). Тенгемен кредиттердің үлес салмағы бір айда 65,2%-дан 65,5%-ға дейін (2015 жылғы желтоқсанда 66,3%) ұлғайды.

2016 жылғы маусымның соңында ұзақмерзімді кредиттер көлемі 10 349,7 млрд. теңге, қысқамерзімді – 2 106,3 млрд. теңге болды.

Занды тұлғаларға кредиттер көлемі 2016 жылғы маусымда 8 464,6 млрд. теңгеге дейін 0,2%-ға ұлғайды (жыл басынан бері 0,5%-ға төмендеу), жеке тұлғаларға кредиттер көлемі 3 991,4 млрд. теңгеге дейін 0,3%-ға өсті (жыл басынан бері 4,1%-ға төмендеу). Жеке тұлғаларға кредиттердің үлес салмағы бір айда 32,0% деңгейінде сақталды (жыл басында – 32,9%).

Шағын кәсіпкерлік субъектілерін кредиттеу 2016 жылғы маусымда 2 719,7 млрд. теңгеге дейін 0,4%-ға ұлғайды (экономикаға кредиттердің жалпы көлемінің 21,8%-ы). Жыл басынан бері шағын кәсіпкерлік субъектілерін кредиттеу көлемі 32,0%-ға ұлғайды.

Салалар бойынша банктердің экономикаға кредиттерінің барынша айтартлықтай сомасы сауда (жалпы көлемдегі үлесі – 21,1%), өнеркәсіп (12,8%), құрылыш (8,2%), ауыл шаруашылығы (5,7%) және көлік (4,7%) сияқты салаларға тиесілі.

2016 жылғы маусымда банктік емес занды тұлғаларға ұлттық валютамен берілген кредиттер бойынша сыйақының орташа алынған мөлшерлемесі 16,3% (мамырда 16,5%), жеке тұлғаларға 19,0% (18,2%) болды.

Толығырақ ақпаратты мынадай телефондар бойынша алуға болады:

+7 (727) 270 45 85

+7 (727) 330 24 97

e-mail: press@nationalbank.kz

www.nationalbank.kz